

四庫未收書輯刊編纂委員會編

四庫未收書輯刊

北京出版社

陸輯·貳拾玖冊

四庫未收書輯刊

四庫未收書輯刊編纂委員會編

北京出版社

陸輯・貳拾玖冊目錄

李小有詩紀十一卷葭園唱和一卷

牧懷詩紀五卷媚獨齋詩集八卷〔明〕李盤撰

王無瑕先生詩集五卷文集三卷〔明〕王璞撰

垂楊館集十一卷〔明〕郭孔建撰

劉忠宣公遺集九卷附年譜二卷〔明〕劉大夏撰

張忠敏公遺集十卷首一卷附錄六卷〔明〕張國維撰

一

三三三

三七三

四三九

六〇七

〔明〕李盤撰

李園小有詩紀十一卷
唱和一卷牧懷詩紀
五卷媚獨齋詩集八卷

清初刻本

序

李子小有天下之盛才也家世鼎貴兄弟皆以文章流譽人倫其尊公先生又以詩鳴於時弘獎風流凡在庶幾之儔事同資敬此亦難爲兄而

媚獨齋詩集

陳序

一

不易爲其子者矣然小有以文章詘其二昆而以詩嗣其父其道幾可以無悔昔季布以勇顯於楚此語旣以贊羽亦以贊布兩通之辭也以淮南李氏之文若詩而能使兄

不以有弟而啼幾欲先父而食小有之爲小有蓋可知矣丙子秋同在都門示陳子以所刻詩曰子得無爲我序夫陳子則何能知詩抑何以序詩而况李子之詩乎然於此抑猶有說李子享天下重名三十年其仲季皆爲大官顯人宜如君家援臂將軍髮蒼逾怒及見之恂恂若處子歲路亦復未疆弟先兄舉早晚之時自失耳雖再戰再蹶處

媚獨齋詩集

陳序

二

之夷然無幾微不平之色見於顏面此豈偶然者君子離詩觀詩卽李子所爲如是則溫厚和平之本旣已立矣脩其本而末自應本之所處者一末之所處者自一而二而三而不知其所窮則文之外而有詩詩之外更有如詩者以足乎不窮之數無不可以得妙予不知詩而能知李子與李子之文則夫李子之散與李子之文之類皆可緣是

而通之也苟李子之散與李子之文之類皆可緣是而通則雖謂陳子能深知李子之詩無不可者夫天下體與用有不相咸者矣未嘗厲而用之以習其心心遂獨以心見不能弘之於伎此宜尤之其末非立本之說之不驗也今李子承其家學旣已習其心矣文見其端而文之類將並見焉李子之立本與夫人之立本亦自有辨陳子恃以知

李子之詩以此若必求詩之
品格如世所稱時之盛中人
之陶謝舉其類以差攸之以
較其銖黍之離合則將俟習
乎詩者而問之陳子將終守
其不知者而已

媚獨齋詩集 陳序

五

年家社弟陳際泰拜手撰



饑驅篇序

饑驅拙言者李子小有丙戌艸也總
計一年中僕僕塵鞅靡有寧刻春風
秋雨酷暑嚴寒不在短棹方舟則在
僧寮旅舍伴破琴而侶孤劍披敗褐
而典敝裘游如小有亦苦矣杜少陵
云計拙無衣食途窮仗友生游之不

饑驅序

可以已也然游道至今日難言哉司
馬相如爲千古第一游客臨邛令王
吉爲千古第一主人攷其當年臨邛
令何嘗客至攢眉捐金相贈相如亦
何嘗有所關說如今之仰面看人顏
色惟恐不得一當也者其喫緊關鍵
則臨邛令繆爲恭敬相如繆與令相

重而已。夫恭敬則恭敬耳，重則重耳。何以繆為此臨？叩令憐才篤友之念，不得不巧用機權。兩人以一段虛情往來，殆有相視而笑者乎？相如初事孝景，爲武騎常侍，非其好也，因病免。客游梁，梁孝王卒，相如歸而家貧，無以自業。素與吉善，吉曰：「長卿久宦游，不遂而困來過我，於是舍之都亭臨。」叩令繆爲恭敬，日往朝相如。相如初尚見之後，稱病使從者謝吉。吉愈益謹肅，何其繆也。臨叩多富人，卓王孫程鄭相謂曰：「今有貴客爲具召之，并召令。今既至，卓氏客以百數，至日中請相如。相如謝病不能臨，何其繆也。」

饑驅序

二

臨叩令不敢嘗食，身自迎相如。相如爲不得已而強往，一坐盡傾，何其繆也。相如又繆與令相重，令前奏琴曰：「竊聞長卿好之，願以自娛。」相如辭謝，爲鼓一再行，何其繆也。然不繆則不知今有貴客，不繆則不能一坐盡傾。繆之一字實千古第一游訣，小有宦游不遂與長卿同家貧，無以自業。長卿同獨不肯繆與令相重而必欲實與令相重，稍不重輒棄去其所造訪之主人，又皆欲實爲恭敬而不肯繆爲恭敬。繆則虛趣無窮，實則不可以繼。一餽程一設席之外，置之如遺。日往朝者有幾，身自迎者有幾，是令

饑驅序

三

有賤客也。令賤之。其誰貴之。嗟乎。世
豈少富人如卓王孫輩哉。但少解人
如臨邛令耳。雖然。今之客方以令左
顧爲榮。稱病者有幾。以叨陪爲重。辭
謝者有幾。非令賤之。客實自取賤焉。
此。吾讀小有饑驅篇有感。而漫識之。如

饑驅序

淮南虛天游題



題

陶靖節詩云。饑來驅我去。不知竟
何之。行行至茲里。叩門拙言詞。小
有先生。乃以饑驅拙言。名其丙戌
詩稿。先生高風不減彭澤。而貧窘
過之。自春徂夏。背秋涉冬。幾無暖

饑驅序

一

席總爲饑驅。究竟無解於饑也。然
先生嘯歌自若。予讀其詩。一唱三
嘆。爲之賦饑驅篇曰。先生前身南
邨陶。饑驅乞食。天愈高。我聞近代
乞風。薄乞名者。妄乞利。饕何似。吹
簫氣如虎。乞食歸吳霸。吳主吁嗟

有飯不遑餐。鹿走蘇臺。誤辛苦先。 生掉頭歸去來。三江七澤風雨哀。 萬里居然逢故物。遺民皎日當心。 開東家勸醉西家飽。痛飲加餐歡。 未了樂過千春。是此春冥報相貽。 爲黎老先生前身陶南邨。戲謔慈。	饑驅序 二	祥古道敦告我饑驅拙言語我亦 饑驅何處門 丁亥人日華易社弟張芳題
--	---------------------------	--

饑驅拙言目錄	
至昭易	秦郵燈社
歸金陵	登燕磯
喜逢何太常	宿避風館
維揚謁舊知	賀蔣元長生孫 首二
農務	稱貸
姚永言	和李明府六首
錢烈女	午日
饑驅拙言 目錄	
劉使君招飲	苦雨
集包稚修舟中	和憚道生二首
七夕	旅嘆
饒節婦行	一草亭
讀李明府集 首四	花燭歌三首
中秋葭園	重九
幽蘭歌	謝李明府二首
得閩信	長至

贈宮紫玄

就園

寄丁天心二首

輓維曼兄二首

丁亥元旦

秋浦姬二首

雪夜

謝周元亮二首

除夕

禮覺浪大師

饑驅拙言 目錄

二

饑驅拙言

淮南李

盤小有著

原名長科

清苑梁以棟仲木評

至昭易

驅昭易省母晤諸弟謀居食也

諸弟僑寓西郊是夜共榻三清

道院

高沙雲影宕晴暉舊里蕭條生事微

李小有詩紀饑驅拙言

屋數椽棲雁字草心一寸澹鷗磯無山

偕隱身浮梗此地尋真夢息機姜被奇

溫酣睡穩簷花夜落自霏霏

秦郵燈社家弟君受暨諸友迭

爲賓主梅花燈火互相唱酬亂

離中一快

斃社尊開離亂中梅花香瘦薦春風邨
知黑髮千莖白得見清燈數點紅江海

弟兄蘭作譜。煙霜南北酒。爲筒連翩賞。會金吾夜。潦倒猶能待漏終。

歸金陵。亂後尚未入石城一步。

二十四日。驅江南與家六弟七

弟暨一妾兩兒相見。悲喜交集。

門庭冷落。市井蕭條。徘徊涕下。

愁絕西風。倦眼凭亂鴉飛處。見金陵夢。

華門巷春無賴。握粟兒孫。穀未能炎冷。

李小有詩紀饑驅拙言二

看人禾黍變悲涼。到我髮眉憎春令清。

對情何限手板。青山不敢登。

登燕磯。仲春望日。離石城北風。

大作泊舟燕子磯。遇顧念之共。

飲酒家登磯。遐眺觸目興亡。誦。

浮沉千古事。誰與問東流之句。

狂飈吹浪上征衣。滿目山川有是非望。

裏煙光隨樹遠。坐來嵐氣挾濤飛。垂楊燕舞中。春月大壑龍吟。半夜磯二十年。前雲物逸。故人相遇不勝歎。

喜逢何太常

客舍逢知已。神交卽舊盟。山河千古恨。

霜雪一時情。薄俗惟因熱。幽人定守貞。

北山周子辱東海魯連輕。介石幾先見。

觀天物外行。迷塵驚水鏡。披豁賴吾兄。

李小有詩紀饑驅拙言三

宿避風館。十八日。驅潤州玉山。

主僧尚存。留宿避風館北司金。

焦三山如昨。

船頭破浪三山棹。京口凭闌兩岸燈。已。

築避風難避世。却憐逢主是逢僧。堤邊。

故苑牛羊暮。原上諸陵草樹增。只有漁。

人眠白穩。驚波日月任飛騰。

維揚謁舊知。二十六日。驅邗關。

農務 暮春十日再驅昭易同家 八弟經理南畝春耕事	其二 傳家細素在誦習歲時寬 仙瀝日供餐冰玉為神骨雲霄待羽翰 愛見孫枝秀欣增壽母懽石麟天錫慶	李小有詩紀 饑驅拙言 四 璋詠大千門蘭服惟將母飴香更抱孫 賓朋多麗句歌笑集霞樽	祖竹立青筠祥風長綠蓀琴言追蔣徑 賀蔣元長生孫	人邦水微袍如青草敢稱窮 歌吹棠陰在硯北相思蘭氣通古道炤	遂煙霞行泛宅金章淮海坐譚戎竹西 經年遊處似飛鴻離別心期屬兩公缺	晤鄭潛庵中丞周元亮兵憲皆 相別近十年者綈袍之誼頗篤
------------------------------------	--	--	-----------------------------------	--	--	--------------------------------------

煙餘雲剩失桃源我已吞聲君未諼祖	姚永言感賦 清和九日驅返秦 郵姚永言至執手相哭失聲譚 申酉年事欷歔欲絕因共商避	東吾倦矣曉風殘月酒人船 一傳中求伴侶愚公谷裏學神仙猶憐 士一曲排場咲更記三春刻燭眠鐵板江	李小有詩紀 饑驅拙言 五 艱難二仲久周旋稱貸將無補力田高	漢向郭翁貸金治田刺舟觀歌 姬演劇信宿而別	稱貸 二十六日同家五弟驅樊 得東風句為語沙鷗莫浪傳	秋水新流社鼓闌故山犁犢興悠然浮 家不羨千間厦負郭還徵二頃田晴雨 用天機事少茨梁分地拙生全偶來拈
------------------------	--	---	---	---------------------------------	--------------------------------------	--

帳○辭○都○傷○賦○鵬○帝○星○下○殿○哭○聞○猿○敢○因○
厭○亂○眺○鋤○棘○祇○爲○忘○憂○學○種○萱○相○對○不○
須○悲○往○事○自○分○簑○箸○老○田○園○

和李叔則明府韻 二十二日驅

八寶叔則以冶城詩屬和賦贈

秋盡南天六幕垂吳王舊冶古今移璇

題碧樹叅雲立玉冊丹書映月披紺殿

香銷麗鬪處暮江帆靜鳥飛時紅箋獨

李小有詩紀 饑驅拙言 六

擅研京賦一借瑤墀發藻思

其二

才如飛電繞珠宮颯颯霜毫擊遠空青

蓋奇姿榮洛下白麟佳譽起山東遙瞻

劍氣澄潭影早識車鄰大國風隨地流

泉雲吐嶺文壇今又見坡翁

其三

擁書抱膝對吟窓戶滿春星帶夜缸鳳

味○銀○鈎○披○露○翰○虎○頭○金○粟○照○雲○幢○開○尋○
園○客○絲○中○譜○夢○接○稽○仙○月○裏○江○退○食○從○
容○心○自○遠○未○隨○塵○塼○影○麗○麗○

其四

魚○白○煙○蒼○映○碧○湖○西○瞻○重○嘆○累○茵○孤○松○

楸○入○夢○思○丘○隴○岵○岵○高○登○稱○大○夫○曉○漏○

常○如○驚○彩○袖○春○暉○猶○覺○汎○金○鋪○亾○詩○欲○

補○應○同○束○林○表○嗷○嗷○念○哺○烏○

李小有詩紀 饑驅拙言 七

其五

熙○然○花○縣○卽○春○臺○海○雀○冷○琴○韻○繞○階○行○

野○徧○咨○青○華○戶○放○衙○仍○誦○白○雲○齋○桑○麻○

有○色○慈○俱○滿○豺○虎○無○聲○願○已○垂○丹○鳳○帝○

城○天○尺○五○鳧○飛○應○許○集○高○槐○

其六

多○年○烽○火○徹○西○東○哀○壑○無○滋○樹○影○童○屢○

顧○狂○塵○揮○涕○汨○欣○來○時○雨○奏○戎○公○芻○糧○

每時迎官道蒲襟蒙安咲野空部內神
君為衆父行歌巷陌黍濛濛

錢烈女 二十八日再驅維揚聞

錢子述古女及笄懼受兵辱服

毒赴水不即死自經而逝

維揚娘誰家女女家近隔京江水相

傳吳越射潮名錦衣玉帶為其始從來

奇士受長桑倉公有女冊流光錢家女

李小有詩紀 饑驅拙言 八

比緹縈歲更異緹縈開漢皇蜀岡忽變

沙場日甲光射目鉅鋒密妍姿不與城

俱陷甘毒如飴懷速訖須臾縊水皆無

擇一縷芳魂向空碧明月重來廿四橋

煙花處處樓塵棘馬前帳下尚求生遠

嫁王嬌共一情春風孰寫琵琶怨笑爾

難行惟哭聲

午日 自維揚驅瓜渚周訓父王

漢恭于開生諸同社共集憶客
歲午日從問道南奔海安舟中

賦詩為之三嘆

客星午日避瓜渚舊事經年遠蝶魂地

臘烽煙悲地老天中風雨怨天昏翠濤

光如榴花暗蘭氣香沉草色屯萬縷朱

絲何處繫栖心寸寸敢忘恩

劉藥生使君招飲 二十一日驅

李小有詩紀 饑驅拙言 九

海陵藥生招飲胡公祠庭前雙

樹古幹濃陰納涼最暢

落拓長年十畝蕪芝眉照我坐水壺使

君公事琴中聽野老私碑道上呼良會

清尊銷溽暑扁舟遠與托菰蒲猪肝不

敢輕相累還憶祠前嘉樹無

苦雨 長夏哉生魄自海陵驅昭

易中途淫雨客裝盡濕自咲此

來○求○載○滿○船○明○月○亦○不○可○得○晚○
宿○零○丁○茅○店○訪○故○人○楊○王○庭○弗○
值○獨○酌○淒○然○比○至○昭○易○一○望○汪○
客○心○無○際○與○雲○浮○踈○柳○荒○汀○處○處○愁○陸○
地○已○沈○三○伏○雨○高○天○仍○覆○一○輕○舟○蛋○聲○
勤○喚○鄉○情○寤○煙○影○深○搖○水○氣○幽○半○枕○蕉○
幃○醒○後○冷○伊○人○應○爲○草○玄○留○

李小有詩紀 饑驅拙言 十

集○包○稚○修○舟○中○孟○秋○三○驅○維○揚○
稚○修○招○同○陳○于○到○蔣○元○長○納○凉○
城○灣○河○畔○稚○修○善○治○饌○手○自○烹○
調○佳○絕○舟○中○載○一○大○石○對○飲○呼○
爲○石○丈○
雨○散○名○場○三○十○年○荒○城○風○月○尚○嫵○娟○文○
園○犢○鼻○狂○如○昔○怪○石○菱○溪○態○幾○遷○鯖○鮓○
郇○厨○堪○醒○酒○鷗○夷○畫○舫○足○游○仙○白○狼○山○

館○行○將○過○桂○樹○凌○秋○我○欲○眠○

和○憚○道○生○見○寄○詩○

寒○聲○吹○放○夢○茫○茫○接○荒○廬○懷○我○白○下○友○
寂○寞○將○焉○如○饑○驅○復○適○遠○孤○帆○望○平○蕪○
南○北○一○水○間○此○心○無○密○踈○相○望○不○可○卽○
相○思○渡○江○水○蒼○蒼○舊○觚○稜○塵○塲○時○見○此○
雲○壁○數○行○書○貞○心○覲○猶○始○

其二

李小有詩紀 饑驅拙言 十一

燭○蕊○澹○孤○影○玄○冬○深○素○秋○感○時○千○念○集○
忽○忽○如○有○求○舉○頭○望○烽○燧○京○野○殊○昔○遊○
虞○卿○曠○世○才○著○書○終○窮○愁○惠○我○以○音○旨○
詠○若○清○泉○流○高○人○混○儔○伍○俛○仰○爲○身○謀○
顧○我○心○惓○惓○遇○物○滋○離○憂○世○趨○如○鳥○道○
相○期○擬○足○投○前○路○豈○不○隘○君○懷○廣○且○修○
安○得○解○凡○纓○超○然○從○道○猷○
七○夕○八○寶○諸○同○社○皆○集○維○揚○子○

沽酒邀之強半未赴覓侑觴姬
又復不遂幾令牛女咲人

璧月瓊花事已空碧雲暮合思無窮雙
星子夜秋初渡八寶朋簪盞未同綉被
可憐青翰冷絳河生憎綺筵終主人臘
有留髡興良夕厭厭賦惱公

旅嘆 十三日再驅瓜渚當事者
置我如遺不勝炎涼之感

李小有詩紀 饑驅拙言 士

下榻慚非孺子才新豐濯酒獨裴回聞
聲遠叩梅千里會面清憐水一杯顧我
依人無嫵媚臨風對影在塵埃羨魚歸
去尋魚樂裊裊綸竿舞釣臺

饒節婦行為李玉潤賦

烏章集蕪城鴛鴦破花夢僕射無全策
來兵勇且衆愁雨浴刀光生死俱銜痛
婦人置軍中漿肉沾翠鳳羨彼李郎姝

魂香返孤迥欲持般若經攝念依焚誦
亦學青蓮花絕汚表鮮瑩遺挂及殘絲
郎心自悲動慰郎勿復悲踐節古所重
比翼巢連枝誓與多生共

一草亭 仲秋再驅八寶寓范文

正公祠內一草亭白霍蒼藤方

塘精室時桂花爛發居亭主范

聽符招飲賦謝

李小有詩紀 饑驅拙言 士

草堂秋色淡濃間綠滿前溪散作灣半
借雲根栽月榭巧抽竹徑護花關香添
桂樹宜招隱夢引桐陰只愛閒憂樂長
思千古事十章天閣照心顏

讀李叔則明府諸集併淮海珠林

之選

筆海濶生映幟紅北絃南軸友聲同文
章妙氣呼詞客姓字雄飛徹釣翁萬選